



## Universitätsbibliothek Paderborn

### **D. Ioannis Ivsti Lanspergii Carthvsiani, Natione Bavari, Opvscvla Spiritvalia**

ab ipso Autore partim Latinè, partim Germanicè euulgata

Orationibvs Variis, Et Ignitis aspirationum iaculis ad Deum, Deiparam  
Virginem Mariam, cæterosq[ue] Sanctos - exercitijs item diuersis, tum  
maximè Paßionis Dominicæ, eiusq[ue] matris, refertißimus

**Landsberg, Johannes Justus**

**Coloniae Agrippinae, 1630**

Actio gratiarum pro crucis Domini Iesu furiosa eleuatione, ponderoso &  
violentissimo dolorosissimoq[ue] dilapsu in petram. Cap. XII.

[urn:nbn:de:hbz:466:1-45928](https://nbn-resolving.org/urn:nbn:de:hbz:466:1-45928)

diffima in me exerceas & agas, vt cor meum clauo intensissimi tui amoris incurabiliter vulneres, transfodias, & tibi inseparabiliter vnias, vt amore tui semper langueam, & extra te nulla affectione exire valeam. Hac firmissima anchora omnem cordis, sensuumq; euagationem in te quietes, in te compescas & stabilias. Hac mentem meam repleas & confirmes, vt te Deum meum in omnibus & super omnia, proximum verò in te, & inimicos propter te sincere vereq; diligam, odientibus atque offendentibus me ex animo ignoscam, bene capiam, bene faciam, & totis nisibus malum fideliter, exemplo tui, bono recompensare studeam, eosq; tanquam singulares amicos perfectius diligam, Amen.

*Actio gratiarum pro crucis Domini Iesu suriosa eleuatione, ponderoso & violentissimo dolorosissimoq; delapsu in petram.*

## CAPVT XII.

**N**obilissime Domine Iesu, Dei viui & castissimæ virginis Mariæ fili dulcissime & dilectissime, quam magna multitudo misericordiæ tuæ, quam immensa magnitudo charitatis tuæ, qua tam intolerabiles & innumeros penarum cruciatus pro nobis tam mitissime tantoq; cum desiderio tollerasti. Singulariter verò in illa immanissima dolorosissimâq; crucifixione tui, in qua contremuerunt omnia interiora tua, in qua immensus ille dolor manuum & pedum tuorum pertransiuit omnia viscera tua, per nervos, venas & oscicula, quæ in eisdem concurrunt: in qua etiam acerbitas clauorum penetrauit secreta medullarum, ossium & neruorum tuorum, intimas cordis tui medullas: qua deniq; tam inhumaniter extensus, tamq; immobiliter cruci fuisti affixus, vt vnum membrum alij succurrere non posset, cunctis pariter incomprehensibili dolore penarq; correptis.

O quam cuncta interiora extensa, læsa, & dissoluta sunt atque dilacerata. O quam amarissime præ nimio cruciatus & excessiuo dolore lachrymatus es. O quot quamq; crebros singultus & suspiria emisisti, vt etiam adamantina pectora ad tui aspectum compassione mollescere poruissent.

Vbi verò te dulcissime Iesu sic inhumaniter cruci affixissent, mox immitissimi carnifices magno cum furore, validisq; clamoribus te de crucifixionis loco ad foramen, cui crux erat imponenda ac firmanda super terram & super lapides, cum ligno crucis fune apposito protrahunt, ibiq; cum cruce te subleuarunt, & in petram excisam vel foramen ferocissime & nimis impetuosè eam impeerunt & decidere permiserunt, ita vt hoc violento casu cuncta tua sacratissima membra & interiora tremerent, & immenso dolore, ac cruciatus affligerentur colliderenturq;.

*Pro Dei casto timore, compassione & amore erga crucifixum Dominum Iesum, Precatio XII.*

**G**ratias tibi ago ex intimis cordis mei visceribus ð amator hominum ardentissime Christe Iesu, pro summo illo tuo erga nos amore, quem in crucifixione tui dolorosissima & ignominiosissima nobis vberrime declarasti, & quando te nudum inter duos lacrones tanquam sceleratissimum omnium suspendi permisisti, obsecrans te per eundem inestimabilem amorem tuum, & per singula vulnera & dolores corporis tui, perq; omnes guttas rosei sanguinis tui,

ff confi-